

U skladu sa Odlukom Vlade Federacije BiH V. broj: 1373/2014 o davanju saglasnosti na Rebalans finansijskog plana Fonda za zaštitu okoliša Federacije Bosne i Hercegovine za 2014. godinu („Službene novine FBiH“ broj: 59/14), i odredbi Zakona o finansiranju potpore za otklanjanje posljedica prirodne nepogode i obnovu područja zahvaćenih prirodnom nepogodom („Službene novine FBiH“ broj: 59/14) i u skladu sa članom 27. stav 1., Zakona o Fondu za zaštitu okoliša Federacije Bosne i Hercegovine („Službene novine Federacije BiH“ br: 33/03), člana 33. stav 1., odnosnih tačaka člana 34. Statuta Fonda za zaštitu okoliša Federacije Bosne i Hercegovine („Službene novine Federacije BiH“ br: 33/06,) člana 5. Pravilnika o postupku objavljivanja konkursa i o odlučivanju o odabiru korisnika sredstava Fonda i Odluke Upravnog odbora o raspisivanju Javnog poziva za korištenje sredstava Fonda za zaštitu okoliša Federacije Bosne i Hercegovine za 2014. godinu broj: UO-2-2-4/2014, Fond za zaštitu okoliša FBiH raspisuje:

JAVNI POZIV

za dodjelu sredstava za realizaciju programa i projekata za sanaciju šteta nastalih usljed prirodnih nepogoda za 2014. godinu

I. PREDMET JAVNOG POZIVA

Predmet Javnog poziva je prikupljanje prijava za programe/projekte za raspodjelu sredstava, za otklanjanje posljedica prirodne nepogode i obnovu područja zahvaćenih prirodnom nepogodom, u općinama u kojima je proglašeno stanje prirodne nepogode uzrokovano poplavama i klizištima u 2014. godini, a koji će se odnositi na sljedeće programske aktivnosti:

LOT 1. Projekti sanacije, obnove i izgradnje vodovodne i kanalizacione infrastrukture

Projekti obuhvaćeni ovom stavkom se prvenstveno odnose na:

- Sanaciju izvorišta vode ugroženih poplavama i provođenje mjera zaštite, a koja se koriste za javno vodosnabdijevanje;
- Sanacija oštećenih vodovodnih sistema javnog vodosnabdijevanja;
- Sanacija oštećenih kanalizacionih sistema, odnosno osiguranje odvodnje i tretmana otpadnih i oborinskih voda na područjima ugroženim velikim vodama.

LOT 2. Projekti čišćenja obala vodotoka od otpada nanešenog tokom poplava

Ovom stavkom se planira korištenje sredstava Fonda za čišćenje obalnog pojasa vodotoka, prvenstveno I. i II. kategorije, od ambalažnog i drugog otpada, te podrazumijeva sljedeće faze i aktivnosti:

1. Pripremne aktivnosti:
 - a. Identifikacija projektnih lokacija (zona);
 - b. Identifikacija učesnika u projektu;
 - c. Izrada akcionog plana;
 - d. Osiguranje saglasnosti za implementaciju projekta.

2. Realizacija faze čišćenja:

- a. Sječenje šiblja u priobalnom pojasu;
- b. Prikupljanje otpadnog materijala;
- c. Transport prikupljenog otpadnog materijala na destinacije za obradu;
- d. Selekcija prikupljenog otpada, upućivanje na reciklažu, te konačno, propisno zbrinjavanje neiskoristivog dijela.

II. KORISNICI SREDSTAVA KOJI IMAJU PRAVO NA PODNOŠENJE PRIJAVE

LOT 1. Pravo učešća imaju jedinice lokalne uprave (gradovi i općine) koji predoče jasne dokaze o pretrpljenim štetama usljed poplava koje su predmet ovog Javnog poziva.

LOT 2. Pravo učešća imaju jedinice lokalne uprave (gradovi i općine) sa područja stradalih u poplavama.

Osnova za selekciju aplikacija će podrazumijevati ispunjenost sljedećih uslova:

- da je na teritoriji općine usljed prirodne nesreće nastala šteta na infrastrukturnim objektima, ili
- da je na teritoriji općine usljed prirodne nesreće došlo do aktiviranja klizišta, ili
- da postoji objektivna opasnost od aktiviranja klizišta.

III. NEOPHODNA DOKUMENTACIJA ZA SUDJELOVANJE

Sredstva iz Javnog poziva po navedenim programima, dodjeljuju se na temelju prijave projekta/programa Korisnika i kompletne prateće dokumentacije.

Obrazac za prijavu projekta i obrazac finansijskog pregleda projekta moraju biti popunjeni na računaru, na obrascima koji su dostupni na službenoj web stranici Fonda za zaštitu okoliša Federacije Bosne i Hercegovine: www.fzofbih.org.ba.

Obrazac za prijavu projekta, obrazac finansijskog pregleda projekta i obavezna dokumentacija, trebaju biti dostavljeni prema redosljedu sa prijavnog obrasca i poslani u A4 formatu koverti. Obavezna dokumentacija treba biti odvojena od dokumentacije za preporuku.

Aplikacija u cjelosti mora biti dostavljena u štampanoj formi, i to u jednom originalu i jednoj kopiji, čvrsti uvez, sa numerisanim, ovjerenim i potpisanim stranicama od strane ovlaštene osobe.

Na koverti, umjesto adrese, zalijepiti popunjeni obrazac aplikanta koji se nalazi na prethodno navedenoj web stranici.

Obavezna dokumentacija mora sadržavati:

1. Popunjen obrazac/prijavu projekta na Javni konkurs,
2. Popunjen obrazac finansijskog pregleda projekta,
3. Ovjerenu izjavu o namjenskom trošenju sredstava (obavezno ovjerena kod javnog bilježnika/notara ili nadležnog upravnog organa),
4. Ovjerena izjava da će se pribavljanje usluga, roba i radova izvršiti u skladu sa ZJN.

Obavezna dokumentacija je uvjet učešća i aplikacije koje ne budu sadržavale istu neće se razmatrati.

- Gore navedena Obavezna dokumentacija mora biti original ili ovjerena kopija koja ne može biti starija od tri mjeseca do dana podnošenja prijave na Javni poziv.

Dodatna obavezna dokumentacija po LOT-ovima:

LOT 1:

1. Izvještaj ovjeren od strane uprave civilne zaštite ili nadležne općine koji je striktno u vezi sa predmetom Javnog poziva o pretrpljenim štetama uz tehnički opis, procjenu štete, predmjer i predračun radova na sanaciji,
2. Ukoliko se sredstva potražuju za izradu projektne dokumentacije, ili istražne radove, priložiti projektni zadatak.

LOT 2:

1. Identifikacija projektnih lokacija –ovjerena od strane općine, (zona)-poteza obala ocijenjenih kao prioritet za aktivnost čišćenja otpada, sa obaveznim priložima u vidu karte-situacije sa prikazanim obuhvatom, dužinom poteza, te oivičenim pojasom čišćenja,
2. Identifikacija učesnika u projektu-ovjerena od strane općine. Tačno navesti koje ciljne grupe su predviđene da učestvuju u projektu od osnovnih učesnika u projektu (općina i javno komunalno preduzeće) do ostalih, pridruženih učesnika (NVO i sl.),
3. Ovjeren akcioni plan provođenja aktivnosti;
4. Osiguranje saglasnosti za implementaciju projekta (nadležna agencija AVP Sava za vodotoke I. kategorije, odnosno nadležnog kantonalnog ministarstva za ostale vodotoke),
5. Ovjerena izjava da će se za iskoristivi otpadni materijal osigurati ovlaštena firma koja će preuzimati isti i odvoziti na reciklažu,
6. Ovjerena izjava da će se neiskoristivi dio otpada propisno zbrinuti na deponiji,
7. Pribavljena potvrda od strane nadležne institucije da na lokaciji koja je planirana za čišćenje nema registrovanih minsko-eksplozivnih sredstava, odnosno da je ista sigurna za rad,
8. Stručno mišljenje Centra za uklanjanje mina koje izdaje BHMACH- da su potezi vodotoka identificirani kao prioritetni odnosno predložena lokacija sigurna za rad i da nema registrovanih minsko-eksplozivnih sredstava; ili Dokaz o podnesenom Zahtjevu Centra za uklanjanje mina BHMACH- da su potezi vodotoka identificirani

kao prioritetni odnosno predložena lokacija sigurna za rad i da nema registrovanih minsko-eksplozivnih sredstava.

Kompletnost dodatne obavezne dokumentacije će utvrditi Komisija za stručni pregled aplikacija, te ukoliko se ustanovi da aplikant nije priložio potrebne dokumente, njegova aplikacija neće se uzeti u razmatranje i neće se stručno bodovati.

IV. OSNOVNI KRITERIJ ODABIRA

- 1) Pripremljenost projekta, programa ili sličnih aktivnosti (pripremljenost stručne i tehničke dokumentacije, stepen spremnosti za početak radova, visina obezbijeđenih sredstava korisnika za sufinansiranje (do 10 bodova);
- 2) Stepem povoljnog utjecaja na okoliš (održivi razvoj, očekivano poboljšanje kvaliteta okoliša ili povećanje energetske efikasnosti, cjelovit pristup investitora u rješavanju pojedinih pitanja zaštite okoliša i energetske efikasnosti, ispunjenje međunarodnih obaveza, stepen prioriteta iz programa zaštite okoliša) (do 30 bodova);
- 3) Kvalitet ponuđenog tehnološkog rješenja (do 20 bodova);
- 4) Stepem ugroženosti okoliša (zaštićena područja, zaštićene biljne, gljivne i životinjske vrste, zaštićeni minerali i fosili, ekološki značajna područja, stepen smanjenja onečišćenja okoliša i negativnog utjecaja na okoliš i zdravlje ljudi, postupanje na temelju rješenja inspekcije radi uklanjanja rizičnih tačaka za okoliš i zdravlje ljudi (do 30 bodova);
- 5) Finansijsko učešće korisnika i njegova sposobnost na ulaganja i povrat sredstava, ako je povrat sredstava ugovoren (do 10 bodova).

V. VREDNOVANJE PROJEKATA

Vrednovanje i rangiranje projekata pristiglih na Javni poziv, vršit će posebna Komisija koju imenuje direktor Fonda.

Komisija razmatra projekte primljene na bazi Javnog poziva, cijeni ispunjenost uslova i kriterija za odobravanje istih, sačinjava zapisnik s obrazloženom ocjenom i mišljenjem te isti dostavlja direktoru Fonda, koji izrađuje listu prihvatljivih projekata za sufinansiranje na bazi Javnog poziva za dodjelu sredstava za realizaciju programa, projekata i sličnih aktivnosti iz područja zaštite okoliša za 2014. godinu.

Upravni odbor Fonda donosi konačnu odluku o dodjeli sredstava korisnicima. Rezultati Javnog poziva o izboru korisnika sredstava, biti će objavljeni na službenoj web stranici Fonda www.fzofbih.org.ba i u „Službenim novinama Federacije BiH“, u roku od 15 dana od dana donošenja odluke.

Prije donošenja konačne odluke o odabiru, Fond zadržava pravo zatražiti dodatna pojašnjenja projekta od predlagatelja, kao i pravo odbijanja pristiglih projekata bez posebnog obrazloženja. Sa odabranim predlagateljima, zaključit će se ugovor o međusobnim pravima i obavezama te drugim pitanjima u vezi sa realizacijom projekta koji se sufinansira, te praćenju namjenskog korištenja dobivenih sredstava.

Kroz ovaj Javni poziv, sredstva se dodjeljuju u vidu finansijske pomoći.

VI. OPĆE ODREDBE

Obrasci za prijavu po ovom Javnom pozivu i Smjernice za korisnike sredstava Fonda za zaštitu okoliša FBiH, mogu se preuzeti na službenoj web stranici Fonda za zaštitu okoliša FBiH www.fzofbih.org.ba.

Prijava za učestvovanje s obaveznom projektnom dokumentacijom, dostavlja se lično ili putem pošte na adresu: **Fond za zaštitu okoliša Federacije Bosne i Hercegovine, ul. Hamdije Čemerlića 39a , 71 000 Sarajevo.**

Prijava se dostavlja u zatvorenim neprovidnim kovertama sa naznakom:

„NE OTVARAJ – PRIJAVA NA JAVNI POZIV – LOT BR. _____“.

Rok za podnošenje prijava je 20 dana od dana objavljivanja Javnog poziva u „Službenim novinama Federacije BiH“.

Zahtjevi s nepotpunom dokumentacijom, podneseni nakon roka i utvrđene forme, neće se razmatrati.

Važne napomene:

- Aplikant na jedan LOT može konkurisati samo jednim projektom.
- U koverti može biti samo jedan projekat. Ukoliko jedna koverta sadrži više projekata, aplikacija se odbacuje.
- Da bi aplikant ušao u konkurenciju za odabir na Javnom pozivu, mora ispuniti formalno- pravne uslove iz ovog javnog oglasa – odnosno dostaviti kompletnu obaveznu dokumentaciju.
- Svi dokumenti koji se predaju uz obrazac prijave projekta kao dokaz o ispunjavanju kriterija sudjelovanja iz ovog poziva, moraju biti originali ili ovjerene kopije, ne starije od tri mjeseca.
- Dokumenti koji se šalju na Javni poziv, ne vraćaju se aplikantu.
- Neadekvatno popunjene prijave i nekompletni zahtjevi se neće razmatrati.
- Fond ne snosi nikakve troškove aplikanta, nastale sačinjavanjem i predajom aplikacije, i aplikant nema bilo kakva prava na naknadu bilo kakvih troškova po osnovu učešća na ovom javnom pozivu.

Sve dodatne informacije vezane za Javni poziv, mogu se dobiti svakim radnim danom od 10:00 – 14:00h putem kontakt telefona: +387 (0)33 72 36 80 ili putem e-maila: info@fzofbih.org.ba

Direktor

Safet Harbinja